

*“Pagtawag Kang Jesus Diha Sa Atong
Dinalian Nga Panginahanglan!”*

Semana 8 - 100 ka Adlaw sa Pag-ampo

Mayo 15 - 21, 2020

“Nausab Sa Gugma Sa Dios”

Ni Derek Morris

“Oo, gihigugma ko ikaw sa usa ka gugma nga walay katapusan: busa uban sa mahigugmaong-kalolot gidani ko ikaw.” – Jeremias 31:3

Si MaryAnn Roberts nagtubo diha sa usa ka Cristohanong puloy-anan, apan ingon nga usa ka batan-on wala gayud naghimog personal nga pasalig kang Jesus ingon nga iyang personal nga Manluluwas ug Ginoo. Human sa kolehiyo siya nagminyong, ang iyang bana miapil sa militar, ug sila namalhi sa Uropa. Didto gibiyahan ni Mary Ann tanan nga kadugtongan sa iglesia ug nahimong usa ka makinaugalingon nga mananap sa kumbira.

Niadlong 1983 siya ningtugkad sa kinailaluman. Diha sa tunga-tunga sa tulo-ka-adlaw nga pag-inom-inom nahubog siya ug nasakit nga dili na siya makahimo pagtambong sa usa ka panagtigum sa panimalay. Mao kadto nga si Mary Ann nakadisidir sa pagpangayo sa Dios balik sa iyang kinabuhi. Ang tin-aw nga hulagway nga midangat sa iyang alimpatakan sa ubos nga tuldok sa iyang kinabuhi mao ang hulagway sa usa ka Amahan nga nagdagan sa pagsugat sa Iyang mausikon nga anak. Nahibalo si Mary Ann nga siya kadto ang maong anak.

Sa pagkaamgo nga nanginahanglan siya sa paghimog pipila ka mga radikal nga kausaban sa iyang estilo sa kinabuhi, siya nagsulat ngadto sa usa ka Cristianong pastor ug nag-asoy kaniya sa iyang pasalig sa pagkahimong usa ka sumusunod ni Jesus. Ang asawa sa pastor nakasabot unsa ka lisud ang tansiyon unya ug nagbuylog kang Mary Ann pinaagi sa pagtawag kaniya sa telepono kada buntag sulod sa usa ka tuig.

Bisan pa si Mary Ann nagsugod na sa pagsimba sa usa ka Cristianong simbahan ug ang Dios nahimong usa ka mahinungdanon nga bahin sa iyang kinabuhi, gibati niya nga may kulang pa sa gihapon—nga ang Dios may pinasahi nga giandam alang kaniya nga wala pa niya madiskubrehi. Pirmi siya nangandoy nga siya unta nagpadayon sa iyang edukasyon, ug nakadisidir sa pagbalik ngadto sa tulonghaan. Tingali kini mopuno sa haw-ang sa iyang kasingkasing. Misulay siya pag-aplay ug gidawat siya sa usa ka kurso diha sa siyensya ug

sa kataposan natapos niya ang usa ka Ph.D. sa neuroscience. Apan sa bisan unsang paagi ang kinabuhi sa gihapon daw sa dili kompleto.

Niadtong tag-init sa 2001, sa Mary Ann nagtambong og usa ka kamping didto sa North Carolina. Nainteresado siya pag-ayo diha sa pakighigala, busa siya milingkod duool sa likod sa auditoryom. Aton sa usa sa mga wali, siya nakadungog sa usa ka Cristianong magwawali nga nagadapit niadtong mga interesado diha sa usa ka ministryong proyekto didto sa Kenya sa pagpakigkita kaniya human sa serbisyo.

“Kasagaran ganahan ko hinuktokan anay ang usa ka butang sa dili pa nako buhaton,” hinubay ni Mary Ann, “apan daw sa may tawo nga nagtindog atubangan nako ug nagtudlo deritso kanako.” Pagkahuman sa serbisyo miadto siya atubangan sa auditoryom ilalum sa lalum nga konbiksyon nga ang Dios nagatawag kaniya sa pag-apil diha sa ministryon proyekto didto sa Kenya. Human sa pagpakigsulti kang Mary Ann, ang magwawali nagdapit kaniya sa paghimog usa ka serye sa wali diha sa usa ka primitibo nga kumunidad sa Rongo, Kenya. Siya Mary Ann dili usa ka magsusulti nga pampubliko. Wala siyay pagbansay sa homiletiko ug sa bug-os walay kasinatian diha sa unahan-nga-hanay sa buhay misyonero. Wala kini misantop sa iyang hunahuna nga ang Dios maghangyo kaniya nga mamahimong usa ka magwawali. Apan siya abli alang sa paglihok sa Balaang Espiritu niadtong adlaw, ug, diha sa iyang kaugalingon nga mga pulong, siya nagsugod sa pag-ampo og usa ka labing radikal nga pag-ampo: “Ginoo, gihatagan ko Ikaw og pagtugot sa pagpadala kanako ngadto sa Imong anihon.”

Dalion nato pipila ka bulan ngadto sa unahan ug si Mary Ann nagbyahe na paingon ngadto sa Kenya sa pagbuhat gayud unsay gitawag sa Dios nga iyang buhaton. Bisan pa siya nahadlok, matag gabii sa dihang siya nagtindog aron sa pagwali, gibati niya nga ang Dios nagasulti pinaagi kaniya ngadto sa pundok sa katawhan nga nanagtigum diha sa plaza sa lungsod. Sa kataposan sa iyang mga wali kapin sa 500 ka mga tawo ang nagkompisal sa ilang gugma alang kang Jesus diha sa bautismo. Sigon sa imong pagpanghanduraw, si Mary Ann napuno sa pagmaya—radikal nga pagmaya! Ug kana nga pagmaya wala mahanaw. Si Mary Ann nagpadayon sa pagwali, nagapahat sa gugma sa Dios, ug nagasunod sa Iyang pagpangulo. Nakaplagn niya ang iyang pagtawag sa dihang gihatagan niya ang Dios og pagtugot sa paggamit kaniya diha sa Iyang anihon.

Hatagan ba nimo ang Dios og pagtugot sa paggamit kanimo diha sa Iyang anihon? Lagmit dili kini sulosama sigon sa nahitabo tulo ka bulan na ang nakalabay, sa wala pa miigo ang krisi sa COVID-19. Apan sa gihapon aduna pay daghang buhatonon, ug daghang mga kalag ang nagahulat sa pagpamati sa maayong balita! Pag-ampo ug pangalyupo kaniya unsay buot Niya ipahimo alang kanimo!

*Si Derek Morris mao ang presidente sa Hope Channel Internation. Alang sa dugang inspirasyon sama niini, kami nagdasig kaninyo sa pagbasa sa atong gipasundayag nga libro ning semanaha ni Derek Morris nga gitituloan og **The Radical Prayer**, diin ang debosyonal ning semanaha kini didto gikutlo.*

MGA PANGUTANA SA KASINGKASING: Unsa na kaha ang atong kinabuhi karon? Nakahatag na ba kita og pagtugot sa Dios sa paggamit kanato diha sa Iyang anihon? Kon gibati nato ang kahilayo gikan sa Dios, hinumduman nato nga Siya mawilhon nga abli ang mga bukton sa

gugma alang kanato sa pagdangop Kaniya. Dili lamang Siya gusto nga moabi-abi kanato, kondili Siya usab may usa ka pinasahi nga dapit sa serbisyo alang sa matag usa kanato. Moabli kaha kita sa atong mga kasingkasing ngadto sa Iyang pagtawag?

AKTIBONG HAGIT SA KASINGKASING: Pangita palibot og mga nagkalain-lain nga mga pamaagi nga ang Dios nagapakita kanimo sa Iyang gugma. tingali makita nimo ang Iyang gugma diha sa usa ka talagsaon nga paagi, isulat kini, unya ipahat kini sa duha ka mga tawo niining semanaha sigon nga imong angkonon ang saad sa Juan 15:12. Batasana kini ang pagpangita sa gugma sa Dios ug sa talagsaon nga mga pamaagi nga mapahat nimo ang Iyang gugma ngadto sa uban.

“Ang Amahan nahigugma kanato, dili tungod sa dakung pagdaug, kondili Siya nagsangkap sa pagdaug tungod kay Siya nahigugma kanato. Si Cristo mao ang galamiton diin Siya makabobo sa Iyang dili-limitado nga gugma ibabaw sa usa ka nahulog nga kalibutan sa sala. ‘Ang Dios maoy anaa kang Cristo, nagapasig-uli sa kalibutan alang sa Iyang kaugalingon.’ 2 Corinto 5:19. . .Ang maong gugma walay katumbas. Ang mga anak sa langitnong Hari! Bililhon nga saad! Tema alang sa labing lalum nga pagpamalandong! Ang walay-tumbas nga gugma sa Dios alang sa usa ka kalibutan nga wala mahigugma Kaniya!”—
Steps to Christ, p. 13, 15

Mas Palaluman – Mga Dugang nga Sugyot sa Pagbasa alang ning semanaha:

- Ellen White, *Steps to Christ*, chapter 1, “God’s Love for Man”
- Derek J. Morris, *The Radical Prayer*



Adlaw 50 – Tutok Sa Pag-ampo – Biernes, Mayo 15, 2020

MGA TAHO SA PAGDAYEG:

- Elizabeth W.: “Ako nagdayeg sa Dios tungod sa Iyang makaayo nga gahum!”
- Membro didto sa U.K.: “Dalaygon ang Dios sa pagpamati sa among pag-ampo ug sa milagroso nagsangkap og pagkaon ug tabang pinansyal sa nagakaigo nga panahon. Usab, sa kaayohan sa akong sakit sa akong likod!”
- Mga siyentista maikagon nga nagabuhat sa pagpangitag usa ka bakuna ug alibyo nga makatabang sa pagpahinay sa bayrus. Daku kaayo nga kalamboan ang nahimo ug adunay paglaum!

MGA HANGYO SA PAG-AMPO:

- **Iampo** ang usa ka mawilihon nga kasingkasing nga magamit sa Dios bisan kanus-a ug bisan asa Siya magatawag.

- **Iampo** ang tanan nga mga online nga wali ug mga aktibidadis sa iglesia nga pagagamiton ug mapanalanginan pag-ayo.
- **Iampo** ang mga batan-on nga anaa diha sa walog sa disisyon alang og batok kang Cristo. Iampo nga sila mosinati sa gugma ug kamatuoran ni Jesus ug sa malipayon mag-alagad Kaniya sa ilang mga kinabuhi.
- **Iampo** ang daghan mga grupo sa iglesia palibot sa kalibuan nga walay gambalay nga pagatiguman ug mga nangita nga makakaplag og yuta. Iampo usab nga ang Dios mopukaw sa tanang membro sa pag-apil diha sa mga aktibidadis sa pagpananum og mga simbahan.



Adlaw 51 – Tutok Sa Pag-ampo - Sabado, Mayo 16, 2020

Pasalig sa Dios

“Apan ang Dios nagapadayag sa iyang gugma alang kanato pinaagi niini, nga bisan sa mga makasala pa kita si Cristo nagpakamatay alang kanato.”

– Roma 5:8

“Sigon dayon nga dihay sala, diha ang usa ka Manluluwas. Nahibalo si Cristo nga Siya kinahanglan mag-antus, pero Siya nahimong puli sa tawo. Sigon dayon nga si Adan nakasala, ang Anak sa Dios naghanyag sa Iyang kaugalingon ingon nga inunahang bayad alang tawhanong kaliwat.”– In Heavenly Places, 13.2

PANGUTANA SA KASINGKASING:

Sa dihang si Adan ug Eva nakasala ang Dios diay nga, baliwala nga ginasalikway ug ginalapas, maoy miuna sa pagtikang paingon sa tawong binuhat. Siya miduol uban ang usa ka kinaiya sa grasya, pagpasaylo ug may saad, nga si Jesus mopisat sa bitin nga Satanas (Genesis 3:15) ug nahimong ang Halad alang sa ilang kaluwasan. Si Cristo sa gihapon nagapitad paingon kanimo uban ang susamang kinaiya. Siya may pasalig alang kanimo ug sa imong kaluwasan. Ikaw ba mopaduol ngadto sa Iyang mahigugmaong mga bukton karon ug modawat sa Iyang makahinlo nga dugo ug sa Iyang pagkamatarung?

MGA TAHO SA PAGDAYEG:

- Ang kaayohan ni Dr. Hammel gikan sa Covid-19 (usa ka doktor didto sa Berrien Springs) human daghan nga pagpataliwala gikan sa kumunidad sa pagtoo.
- Ang iglesia didto sa China malamboon bisan sa mga pagdili tungod sa Covid-19 ug kumunismo. Ginatus sa mga kaliboan ang nadugtong diha sa online nga pagsimba.

MGA HANGYO SA PAG-AMPO:

- **Iampo** ang Dios sa pag-abli sa imong mga mata alang sa Iyang walay kataposang gugma alang kanimo. Hangyoa Siya sa pagpadayag kanimo og dugang pa sa Iyang mahigugmaong kinaiya matag adlaw.

- **Iampo** ang mga pangulo sa iglesia ug mga membro didto sa Indonesia diin pipila kanila ang natakdan sa Covid-19 ug nangamatay.
- **Iampo** ang Papua New Guinea sigon nga ang nasud dili igo ka sangkap sa pagharong og usa ka halapad nga pagkatag sa Covid-19.



Adlaw 52 – Tutok Sa Pag-ampo - Domingo, Mayo 17, 2020

Pasalig Ngadto Kang Jesus

“Ug misulti si Aaron sa tanan nga mga pulong nga gisulti ni Jehova kang Moises, ug mibuhat ug mga ilhanan sa atubangan sa mga mata sa katawohan. 31 Ug ang katawohan mitoo: ug sa pagkadungog nila nga si Jehova midu-aw sa mga anak sa Israel, ug nga nakita niya ang ilang kalisdanan, unya giduko ang ulo ug misimba sila.” – Exodo 4:30-31

“Ikaw nagtinguha sa paghatag sa imong kaugalingon Kaniya, apan ikaw maluya diha sa moral nga gahum, anaa sa kaulipnan sa duhaduha, ug nagawngan sa mga binatasan sa imong kinabuhi sa sala. Ang imong mga saad ug mga plano sa kausaban maoy sama sa mga pisi sa balas. Dili ka makadumala sa imong mga hunahuna, ang imong mga kalagmon, ang imong mga pagbati. Ang kahibalo sa imong mga napakyas nga saad ug napakyas nga mga panumpa nakapaluya sa imong kompiyansa diha sa imong kaugalingon nga sinsiredad, ug maoy hinungdan nga ikaw mibati nga ang Dios dili makadawat kanimo; apan nanginahanglan ka nga dili maglangiob. Unsay gikinahanglan nimo nga sabton mao ang matuod nga pwersa sa kabubut-on. Mao kini ang nagadumala nga gahum diha sa kinaiyahan sa tawo, ang gahum sa disisyon, o sa pagpili. Ang matag butang nagadependar sa hustong binuhatan sa kabubut-on. Ang gahum sa pagpili nga gihatag sa Dios sa mga tawo; kini ila sa pagbansay. Dili ka makapausab sa imong kasingkasing, dili ka sa imong kaugalingon makahatag sa Dios mga pagbati niini; apan ikaw makapili sa pag-alagad Kaniya. Ikaw makahatag Kaniya sa imong kabubut-on; Siya unya mobuhat diha kanimo sa pagbuot ug sa pagbuhat pinasikad sa Iyang maayong kahimut-an. Busa ang imong bug-os nga kinaiyahan madakpan ilalum sa pagdumala sa Espiritu ni Cristo; ang imong mga pagbati mahisentro Kaniya, ang imong mga hunahuna mahiuyon Kaniya.” – Steps to Christ,

47

MGA PANGUTANA SA KASINGKASING:

Kung makasugata sa katinuoran sa mahigugmaong saad sa kaluwasan sa Dios gikan sa kaulipnan, ang reaksyon sa katawhan sa Israel maoy usa sa paghurar, pasalig ug pagsimba. Samtang ka mamalandong sa makalilisang nga gugma sa Dios alang kanimo, pilion ba nimo karon ang pagtubag Kaniya sa susama nga matang sa kinaiya? Ihatag mo ba ang imong kabubut-on Kaniya, ang imong kinabuhi, ang imong kasingkasing?

Ang Dios maayo. Siya nagatinguha sa pagtabang ug sa pag-ayo. Ang proseso mahimong sakit sa tanang panahon, apan kini takus niini. Nganong dili buhian ang kalibutan, itugyan, ug isalig ang imong kinabuhi ug kabubut-on ngadto sa Dios karon ug magsimba Kaniya?

MGA TAHO SA PAGDAYEG:

- Ang mga pagdili sa Covid-19 naghatud ngadto sa usa ka pag-usbaw sa interes diha sa maayong balita diha sa Tungang Silangan. Mga nagkadaiyang katawhan, samtang nga wala nagpaila nakapadugtong sa iglesia sa online.
- Daghan kaayong mga pundok sa pag-ampo ang nahitabo didto sa Inter-American Division.

MGA HANGYO SA PAG-AMPO:

- **Iampo** ang mga Literature Evangelists palibot sa kalibutan nga naapektohan ang paninapi tungod sa pandemik. Pag-ampo og mga paagi alang sa atong mga basahon nga sa gihapon makatag-katag atol ning panahona ug alang sa daghang katawhan nga mapanalanginan pinaagi sa pagbasa niini.
- **Iampo** kadtong mga matinud-anong membro nga nanag-alagad diha sa mga tipiganan sa pagkaon ning panahona. Iampo nga sila maprotektahan gikan sa bayrus samtang sila nanaghimog serbisyo sa gugma alang sa ilang mga kumunidad.
- **Iampo** ang mga layko, mga magbubuhay sa Biblia, ug mga magwawali nga mga nanagsalig sa panguma ug uban pang mga panginabuhian sa pagsustener sa ilang kaugalingon ug sa ilang mga pamilya. Iampo kadtong mga nanagpuyo ug nanagserbisyo diha sa mga rehiyon nga naapektohan sa mga lagiting nga huwaw.



Adlaw 53 – Tutok Sa Pag-ampo - Lunes, Mayo 18, 2020

Pasalig Ngadto Sa Mga Higala

“Kadtong makahigala ug daghan magahimo niini alang sa iyang kaugalingong kadaut; Apan adunay usa ka higala nga mopabilin labaw pa kay sa usa ka igsoon.” – Proverbio 18:24

“Si Jonatan, pinaagi sa pagkatawo manununod sa trono, apan ingon nga nakaila sa iyang kaugalingon nga wala pilia sigon sa diosnong kamandoan; ngadto sa iyang kaatbang ang labing maikagon ug matinud-anon sa mga higala, nagapanalipod sa kinabuhi ni David panahon sa katalagman sa iyang kaugalingon; ... ang ngalan ni Jonathan gitipigan sa langit, ug kini nagatingod sa yuta nga usa ka saksi sa paglungtad ug sa gahum sa dili hakog nga gugma.” – Education, 157

MGA PANGUTANA SA KASINGKASING:

Ang panaghigala ni Jonatan ug ni David adunay usa ka espiritohanon nga kalidad ug kalalumon nga talagsa ra makita karon. Ang ilang panaghigala gisukad sa usa ka balaan nga panumpa sa mao ra nga espiritohanong pag-abag ug pasalig. Ikaw ba adunay mga espiritohanon nga higala? Ikaw ba usa ka espiritohanon nga higala ngadto sa uban? Nganong dili pilion ang pagpasalig ngadto sa espiritohanong paglambo sa imong mga higala pinaagi sa pagpadaplin sa mga personal nga tinguha ug kahimut-an, ug pagpasalig og

panahon ug gugma sa pag-abiba sa imong mga higala diha sa ilang paglakaw uban kang Cristo?

MGA TAHO SA PAGDAYEG:

- Ang ItIsWritten nga wali sa online nagataho og mga makalilisang nga resulta sa nilibo nga katawhan nga nagaapil ug daghan ang nakahimog disisyon alang kang Jesus. Ang mga interesado nakigdugtong sa mga lokal nga Adventistang simbahan alang sa pag-atiman.
- Daghan nga mga kanhi Adventista nangadugtong sa iglesia, salamat sa pag-usbaw sa mga aktibidadis sa pagpang-abot sa online.

MGA HANGYO SA PAG-AMPO:

- **Iampo** ang imong mga higala. Hilabina kadtong wala makahibalo kang Cristo o nangawala sa ilang agianan. Iampo nga ang Dios mohatag kanimo sa kaisug sa pagkahimong usa ka positibo, porsigido, nga espiritohanong impluwensya diha sa ilang mga kinabuhi.
- **Iampo** ang mga wali nga giplano sa Rift Valley didto sa Kenya, diin maoy usa ka wala pa masulod nga teritoryo sa atong iglesia.
- **Pray** for the Phoenix Beacon Light SDA Church’s community center as new members are getting it ready to serve their community.
- **Iampo** ang sentro sa kumunidad sa Phoenix Beacon Light SDA Church samtang ang bag-o nga mga membro nangandam niini alang sa pagserbisyo sa ilang kumunidad.



Adlaw 54 – Tutok Sa Pag-ampo - Martes, Mayo 19, 2020

Pasalig Ngadto Sa Imong Kapares/Panimalay

“Kamong mga asawa, kinahanglan magpasakop kamo nga masinugtanon sa inyong masigka-bana ingon nga sa Ginoo ... Kamong mga bana, higugmaa ninyo ang inyong masigka-asawa, maingon usab nga si Cristo nahigugma sa iglesia ug mitugyan sa iyang kaugalingon alang kaniya ... Kamong mga anak, kinahanglan managsugot kamo sa inyong mga ginikanan diha sa Ginoo, kay buhat kini nga matarung ... Kamong mga amahan, ayaw ninyo pagsuk-a ang inyong mga anak, kondili matutoon hinoon ninyo sila uban sa pagbansay ug pagpahamatngon gikan sa Ginoo.” – Efeso 5:22, 25; 6:1, 4

“Ang hinungdan sa pagkabahinbahin ug kasumpakian diha sa mga panimalay ug diha sa iglesia mao ang kahibulag gikan kang Cristo. Ang pagpaduol kang Cristo mao ang pagpaduol sa matag usa. Ang sekreto sa matuod nga kahiusa diha sa iglesia ug diha sa panimalay dili diplomasiya, dili pagdumala, dili usa ka engkantohanon nga paningkamot sa pagdaug sa mga kalisdanan—bisan pa may daghan kaayo niini nga pagabuhaton—kondili ang kahiusa kang Cristo.” – The Adventist Home, 179

MGA PANGUTANA SA KASINGKASING:

Ang imong kapares ug panimalay mga katawhan sa imong kinabuhi kang kinsa ikaw adunay usa ka solemne nga tulomanon: Sa paghigugma, sa pag-abiba ug pagdisiplina kanila diha sa usa ka malipayon, mahigugmaon, nga relasyon kang Jesus. Itugyan ba nimo karon sa

pagpahat sa susama nga grasya, kapasayloan ug gugna nga gipadayag ni Jesus kanimo ngadto sa imong kapares ug panimalay? Tinguha ba nimo nga mamahimong usa ka espiritohanon nga pangulo alang sa imong puloy-anan? Hangyoha si Jesus karon alang sa usa ka mas lalum nga paglakaw ug kahiusa uban Kaniya aron nga ikaw pwede mamahimong usa ka mas maayo nga dagway Niya ngadto sa imong kapares ug panimalay.

MGA TAHO SA PAGDAYEG:

- Prosper O.: “Oo! Baliwala sa COVID-19, sa gihapon ako mag-awit ngadto sa GINOO Hataas Uyamut.”
- Jon W.: “Kini nga krisis nakahatag kanako og usa pa ka nabag-o nga tinguha sa pagbaton og usa ka mas suod nga paglakaw uban kang Cristo!”

MGA HANGYO SA PAG-AMPO:

- **Iampo** ang imong kapares, mga ginikanan, kabataan, mga igsuon, ug kabanayan. Iampo nga sila makaila sa Ginoong Jesu-cRisto. Iampo nga ikaw mamahimong ang kapares, ginikanan, igsuon, ug anak nga lalaki/babaye nga gusto ni Cristo diha kanimo.
- **Iampo** ang Hunyo 6 nga ‘Marriage & Family Day of Prayer’ nga giorganisa sa General Conference Family Ministries (family.adventist.org).
- **Iampo** ang mga wala-maminyo nga katawhan nga mibati nga labing nag-inusara ning panahona. Iampo sila sa pagtan-aw sa mga panalangin sa pagkadalaga/pagkaulitawo sigon nga kini nagadugtong ngadto sa pagserbisyo sa Dios. Iampo nga kon kini kabubut-on sa Dios, nga sila makakaplag og diosnon nga mga kapares.
- **Iampo** ang mga tawo nga nakigbisog sa mga pagkaadik.
- **Iampo** ang usa ka membro didto sa Trinidad kansang anak nga babaye gipatay duha ka tuig na ang nakalabay, ug kansang anak nga lalaki gipatay niadtong Marso. Iampo siya nga mahupay ug usab alang sa panalipod sa nahabilin sa iyang panimalay.



Adlaw 55 – Tutok Sa Pag-ampo - Miyerkoles, Mayo 20, 2020

Pagpasalig Ngadto Sa Imong Lokal Nga Iglesia

“Ug sa katilingban sa mga nanagpanoo usa ra ang kasingkasing ug usa ra ang balatian, ug wala kanilay nag-ingon nga iya rang kaugalingon ang mga butang nga iyang gihuptan, hinonoo ilang gipanag-usahan sa pag-ambit ang tanang butang ingon nga katigayonan sa tanan.”

– Acts 4:32

“Ang mga kinabig alang sa evangelio maoy mga ‘nahiusa sa kasingkasing ug nahiusa sa kalag.’ Usa ka komon nga interes naggawong kanila—ang kalamposan sa misyon nga gisangon kanila; ug ang kaibogon walay dapit sa ilang mga kinabuhi. Ang ilang gugma alang sa ilang kaigsuonan ug ang kawsa maoy ilang giuban-uban, mao nga mas daku pa kay sa ilang gugma sa kwarta ug mga kabtangan. Ang ilang mga buhat nagpamatuod nga sila nanag-atiman sa mga kalag sa katawhan sa mas taas nga bili kay sa yutan-on nga bahandi. Busa kini gayud mamahimo sa dihang ang Espiritu sa Dios mosanib sa kinabuhi.”– Acts of the Apostles, 70

MGA PANGUTANA SA KASINGKASING:

May mga panahon sa dihang kita tingali mapakyas sa atong lokal nga iglesia o bisan sa iglesia sa tibuok kalibutan. Apan, kita nahibalo nga ang iglesia mao ang pangasaw-onon ni Cristo. Kon si Jesus hilabihan ka masaligon sa Iyang iglesia, dili ba kinahanglan kita magmasaligon man sa iglesia? Ang unang mga Cristiano nangapuno sa Espiritu ug mga mawilihon sa paghalad sa tanan alang iglesia sa Dios ug misyon. Nganong dili hangyoon ang Dios karon sa pagpasaylo kanimo sa bisan unsa nga makasasala nga kinaiya nga tingali imong nabatnan batok sa Iyang pangasaw-onon, ug pangayoa Kaniya sa pagbautismo kanimo sa Iyang Espiritu, nagapalig-on kanimo sa pagpangitag kahiusa, ug sa pagkinabuhi nga sama sa halad aron sa pag-abiba sa ug pagpanalangin sa imong kumunidad sa lokal nga iglesia.

MGA TAHO SA PAGDAYEG:

- Kami nagdayeg sa Dios alang sa 900 ka mga bag-o nga simbahan nga natukod sa nangagi nga katuigan diha sa North American Division.
- Diha sa South American Division ang mga hangyo sa pagtuon sa Biblia milambo 5 ka pilo sukad nagsugod ang krisis!

MGA HANGYO SA PAG-AMPO:

- **Iampo** ang iglesia diha sa nasud sa Gabon. Iampo ang mga membro niini sa pagbaton og kaisug ug kaalam diha sa pag-abot sa ilang isigka-pumoluyo. Iampo hilabina ang usa ka pundok sa Akanda nga nagsulay sa pagministeryo niadtong mga inutil.
- **Iampo** ang panginahanglanon sa imong lokal nga iglesia. Ang espiritohanon ug lawasnon nga panginahanglanon. Iampo ang kahiusa, kaayohan, ug ang usa ka nabag-o pag-usab nga pasalig sa pag-abot ug mga aktibidadis alang sa misyon.
- **Iampo** ang mga pastor ug mga pangulo sa iglesia sa Haitian Union. Iampo ang mga simbahan diha sa pipila ka mga rehiyon sa Haiti nga puno sa mga armadong grupo. Iampo ang espiritohanon, lawasnon, paninapi, ug utoknon nga panglawas sa mga membro didto sa Haiti.
- **Iampo** ang mga membro nga nanagsagop og usa ka sayop o binalit-ad nga tinuohan sa mga doktrina ug aktibo nga nagasulay-sulay sa pagpanglimbong sa uban.
- **Iampo** ang mga kanhi membro nga namiya sa simbahan ug nag-ugmad og ilang kaugalingon nga mga pundok o denominasyon. Iampo nga sila mapangulohan ngadto sa kamatuoran.



Adlaw 56 – Tutok Sa Pag-ampo - Huebes, Mayo 21, 2020

Pagpasalig Ngadto Sa Misyon Sa Dios

“Kay bisan tuod ako gawas gikan sa tanang tawo, hinonoa nagapaulipon ako sa tanan aron makabig ko unta ang labi pang daghan.... Ako nahimong tanang mga butang ngadto sa tanang mga tawo, aron nga sa bisan unsang paagiha maluwas ko unta ang pipila kanila.”

– 1 Corinto 9:19, 22b

“Ang matag matuod nga tinun-an natawo ngadto sa gingharian sa Dios ingon nga usa ka misyonero.” – Desire of Ages, 195

PANGUTANA SA KASINGKASING:

Ang buhat misyonero, pagpangwali, kini dili mao kaumhan sa serbisyo nga giandam lamang alang sa mga pastor o mga nabansay nga magwawali. Ang matag magtutuo, diha kansang kasingkasing maoy gipuy-an ni Jesus pinaagi sa Espiritu, ginatawag sa pagpasig og usa ka kahayag diha niini nga kalibutan pinaagi sa mga pugong sa kamatuoran ug binuhatan sa gugma.

Nganong dili hangyoon si Cristo karon sa pagpakita kanimon kinsa ug asa ang imong misyon nga kaumhan karon? Pangalyupo alang sa tiunay nga kalooy alang sa mga nangawala nga kalag ug sa kaisug sa pagpahat sa imong pagtoo uban sa gugma alang sa katawhan diha sa imong kalikopan sa impluwensya.

MGA TAHO SA PAGDAYEG:

- Makoba Family: “Ang 100 ka Adlaw sa Pag-ampo nahimong usa ka maayo nga kasinatian alang kanmo ingon nga usa ka panimalay. Bisan pa ang kahimtang palibot kanamo daw makahahadlok, ingon nga usa ka panimalay gihimo kini namo nga panahon sa pagtugyan pag-usab sa among mga kinabuhi ngadto kang Jesus pinaagi sa pagsunod sa 100 ka Adlaw sa Pag-ampo nga programa sa seryoso.”
- Ang grupo sa mga batan-on nga ‘One Year in Mission’ didto sa Guwahati, India, nakapang-abot sa mga ginatus nga Hindu sa mensahe sa panglawas sa wala pa ang lockdown sa Covid-19.

MGA HANGYO SA PAG-AMPO:

- **Iampo** ang kaklaro sigon ngadto kon unsay misyon sa Dios alang kanimo mao diay kon diin ikaw karon. Iampo nga ang Dios motabang kanimo sa pagkahimong matud-anon diha sa pagpahat kang Cristo ngadto sa katawhan palibot kanimo pinaagi sa imong mga pulong, binuhatan ug kagawian.
- **Iampo** ang tanan nga mga Adventistang Tambalanan samtang sila adunay daghang mga panginahanglan atol ning krisis. Iampo ang mga doktor ug nars ug kawani nga magamhan sa Balaang Espiritu sa pagkahimong mga saksi ngadto sa ilang mga pasyente.
- **Iampo** ang mga ‘Life Hope Centers’ palibot sa kalibutan sa pagkahimong usa ka banwag sa kahayag atol ning mangitngit nga kaadlawan.

- **Iampo** ang mga dagkung ciudad diha sa imong teritoryo ug nga ang Dios sa paghatag kanatog usa ka kakaplagan diha sa pagpang-abot sa katawhan diha niini nga mga dapit.
- **Iampo** ang mga misyonero nga anaa sa unahan nga hanay, hilabina ang anaa sa 10/40 nga bintana nga nanagpangita sa pagdala kang Jesus ngadto sa mga kumunidad nga gigawngan ni Satanas sulod sa nilibo ka mga tuig.